


Baesekele ya Bheki e ntjha



Metswalle yohle ya Bheki
e ne e na le dibaesekele.

Bheki o ne a lakatsa eka a ka
be a na le yona. O ne a lebella
metswalle ya hae ha e palama
dibaesekele ho ya sekolong.

"Oo, ekare nkabe ke na le
baesekele," Bheki a rialo.



Eitse ha dilemo tsa
Bheki di ba robedi,
mmae le ntatae ba mo
rekela baesekele
e kgubedu ya letsatsi
la tswalo.

Bheki o ne a thabile
haholo. "Uu!" a
hoeletsa ke thabo.
"Ke kgale ke ntse
ke batla baesekele.
Jwale nka e palama
le metswalle ya ka."





Bheki o ne a thabile
haholo. A qhomela
baesekeleng ya hae
e ntjha, empa a hla
a wa hanghang.

A leka hape, a
wa hape, a wa
hangatangata.

Bheki o ne a sa tsebe
ho kganna baesekele.





Joo! Ebe ke tla
etsajwang?

A sutuletsa baesekele ka phaposing ya hae. Ya ema pela bethe ya hae. O ne a e polesha letsatsi le leng le leng hore e benye.

Bheki a tadima baesekele.
"Ekare nkabe ke kgona ho e kganna" a nahana. "Ke tlameha ho loha leqheka."




"Bheki, tlo o tlo kganna le rona,"
metswalle ya hae ya mmitsa.


"Ke sa polesha baesekele
ya ka" Bheki a rialo.

"Hobaneng o sa ye ka
ntle wa kganna le
metswalle ya hao?"
mme wa Bheki a botsa.

"Ke lokisa hutara"
Bheki a rialo.



Bheki ha a ka a borella mang
kapa mang lekunutu la hae. O ne
a sa kgone ho kganna baesekele.



Bosiu bo bong le bo bong
Bheki o ne a ya tshimong
mme a leka ho kganna
baesekele ha ho se ya
kgonang ho mmona.

Empa Bheki wa batho a
dulela ho wa a ba a tlala
ho sehwa le mengwapo.





Bosiu bo bong, Jane motswalle
wa hae a mmona a leka ho
kganna baesekele ya hae.

“Bheki!” a mmitsa. “Ere ke
tshware baesekele hore o
kgone ho e kganna.”



Jane a tshwara baesekele
a matha ka mora Bheki.

A wa hang, a wa habedi
empa a se ke a hlola a
wa hape.

"Ke kgona ho e kganna
hantle" Bheki a hoeletsa.





Bheki a kganna kapele a
eketsa lebelo. Jane a
matha ka mora hae.

Yaba o a kganna Scamp e
matha pela hae.

"Hee!" Jane a hoeletsa.
"Hee!" Bheki a hoeletsa
a kganna kganyeng ya
ngwedi.





Ke kgona ho
laola baesekel!
Nka kganna!

Tsatsi le latelang, Bheki
a kganna le metswalle ya
hae ho ya sekolong. O ne a
thabisitswe ke hore o ile a
nna a tswela pele a leka.

Ha o sa kgone kgetlo la pele,
leka, leka, leka hape!



Mesebetsi ya ho bala ka dihlopha




1

Tadima ditshwantsho.

Bolella motswalle wa hao hore:

- ho etsahalang setshwantshong se seng le se seng.
- ditshwantsho di latellana jwang.
- dihlooho di nepana le ditshwantsho jwang.



Bheki o ile sekolong a kganna baesekele ya hae.

Jane o thusitse Bheki ho kganna baesekele ya hae.

Batswadi ba Bheki ba mo reketsa baesekele.



2



Balla motswalle wa hao dipolelo tse latelang. Jwale hlahlamanya dipolelo ka nepo.

- a. Bheki o ile sekolong a kganna baesekele ya hae.
- b. Bheki o ne a labalabela ho ba le baesekele.
- c. Jane o thusitse Bheki ho kganna.
- d. Bheki o ne a sa tsebe ho kganna.
- e. Bheki o fumane baesekele ka letsatsi la hae la tswalo.



3

Sebedisa medumo e latelang
ho qetella mantswe. Nepanya
mantswe le ditshwantsho.

w-	j-	d-	p-	s-	d-
					
__alesa	__enqaqane	__itene			
					
__wang	__iboloko	__atjhe			



4

Kopolla polelo ya pele ho ya ho qetela
paleng bukeng ya ho ngolla.
Taka setshwantsho ho hlalosa polelo eo.



5

Jwale qoqa pale.

- a. Ho etsahalang qalong?
- b. Ho etsahalang mahareng?
- c. Pale e fela jwang?



6

Araba dipotso tse latelang.

- Sehlooho sa pale ke sefe?
- Baphethwa ba sehlooho ke bafe paleng?
- Hobaneng Bheki a ne a dula a fa metswalle ya hae mabaka ha a tshwanetse ho kganna baesekele?
- Bheki o ile a leka matsapa afe hore a ithute ho kganna baesekele?
- O nahana hore Jane e ne e le motswalle wa sebele? Hobaneng o rialo?
- Baesekele e ne e le mmala o jwang?
- Ke dipotso dife tseo o batlang ho di botsa titjhere mabapi le pale ee?



7

Ipehe maemong a Bheki. Ngolla Jane karete ho mo leboha ha a o thusitse.

KE A LEBOHA



Motswalle _____

E tswa ho _____